

Newspaper	UTUSAN MALAYSIA
Date	19 SEPTEMBER 2016

## 'Serang' semula individu, *um - 19/9/2016* pemimpin cuba runtuhkan UMNO

**KENINGAU 18 Sept.** - Ahli UMNO digesa 'menyerang' semula individu atau pemimpin yang cuba meruntuhkan institusi perjuangan parti termasuk dakyah politik digerakkan Tun Dr. Mahathir Mohamad dan Tan Sri Muhyiddin Yassin.

Ahli Majlis Tertinggi UMNO, Datuk Seri Ismail Sabri Yaakob berkata, semua ahli juga wajar menolak parti baharu dilaungkan dua pemimpin tersebut yang bermotifkan dendam peribadi.

Menurutnya, ahli UMNO jangan bersikap berhati-hati sebaliknya lantang dalam mempertahankan parti dan pemimpin.

"Dia (Tun Dr. Mahathir) hendak tebuk perahu kita supaya kita tenggelam. Sebelum dia tenggelamkan kita, lebih baik kita tebuk perahu mereka dahulu.

"Kita mesti 'serang' mereka, kalau kita senyap dia akan tum-

bangkan kita. Saya yakin mereka akan datang ke Sabah meraih sokongan terutama dalam kalangan pemimpin yang kecewa," katanya.

Ismail Sabri berkata demikian ketika berucap pada perasmian serentak Persidangan Perwakilan UMNO Bahagian Keningau, Tenom dan Pensiangan di Dewan Masyarakat Keningau di sini hari ini.

Yang hadir sama Ketua UMNO Bahagian Keningau, Datuk Sairin Karno; Ketua UMNO Bahagian Tenom, Datuk Rubin Balang; Ketua UMNO Bahagian Pensiangan, Datuk Abdul Ghani Yassin serta Ketua UMNO Bahagian Beaufort, Datuk Isnin Aliasnih.

Ditanya sama ada Parti Pribumi Bersatu Malaysia (PPBM) berupaya memikat hati rakyat negeri ini, Ismail Sabri yakin parti itu gagal menembusi kubu kuat UMNO dan BN di Sabah.